

14. fev 1557

l'original

[Article du Commerce]

PERMISSION

DV ROY NOSTRE SIRE
à toutes personnes de mener & con-
duyre marchandises par tout ou bon
leur semblera, en terre d'amis ou
d'ennemis: Excepté bleds & autres
grains, artillerie & autres munitions
de guerre.

14 fev 1557



A PARIS,

Pour Vincent Sertenas Libraire, demeurant en la rue
neuue nostre Dame, à l'enseigne S. Jean l'Euangeliste.
Et pour Jean Dallier, demeurant sur le pont S. Michel,
à l'enseigne de la Rose blanche.

1557.

AVEC PRIVILEGE.

THE NEWBERRY
LIBRARY

Casse

F

39

326

15578

IL est permis à Vincent Sertenas Libraire, demeurant à Paris, de faire imprimer la Permission du Roy nostre sire à toutes personnes de mener & cōduyre marchandises par tout ou bon leur semblera, en terre d'amis ou d'ennemis, excepté bleds & autres grains, artillerie & munitions de guerre. Et defenses sont faiçtes à tous autres quelzconques de l'imprimer, sur peine de confiscation de ce qu'ilz auroient imprimé, & d'amende arbitraire, comme plus à plein est contenu en son privilege.



ENRY par la gra
ce de Dieu Roy de
Frâce, à tous ceulx
qui ces presentes
lettres verront, sa-
lut. Lõ a tousiours

veu & congneu par commune expe-
rience que le principal moyen de fai-
re les peuples & subiectz des roya-
mes, pays & prouinces, aysez, riches
& opulens, a esté & est la liberté du
commerce & traficq qu'ilz font avec
leurs voisins & les estrangers, aus-
quelz ilz vendent trocquent & es-
changent les denrées, marchandises
& commoditez qu'ilz leur portent,
des lieux, & pays dont ilz sont, pour
y en rapporter d'autres qui y defail-
lent, avec or, argent, & autres choses
viles, necessaires & profitables: dont
s'ensuit par ce moyen que le prince,
le pays, & subiect tout ensemble sont

reciproquement accommodez de
ce qui leur est necessaire, autrement
il faudroit que les biens & fruietz
croissans esdictz royaumes, pays &
prouinces, avec les singularitez &
manufactures qui s'y font, fussent lá
mesmes vsez & consommez par les
subiectz & habitans d'iceulx. Auf-
quelz par ce moyen la pluspart de
leursdictz fruietz, cōmoditez & ma-
nufactures demoureroient comme
inutilles. Et en ce faisant le seigneur
de terre frustré de son attente & espe-
rance de pouuoir profiter de son bié,
& les laboureur & artisan de leur la-
beur & industrie. A ceste cause, sur la
remonstrance qui par les deputez du
tiers & commun estat nous fut faicte
à la derniere generale conuocation
& assemblée d'aucū des principaux
des estatz de nostre royaume pour le
regard de la continuation desdictz

cōmerce, traficq & negotiation des
marchandises qu'ilz nous supplioiēt
vouloir permettre exercer avec telle
liberté qu'il est requis durant ce tēps
de guerre, supprimant & abolissant
les subside & droict d'imposition fo-
raine par nous nouuellemēt mis sus,
Nous auriōs entre autres choses cōsi-
deré q̄ Dieu par sa saincte grace nous
a mis en main vn royaume cōposé de
diuerses cōtrées & prouinces, chascu-
nes desquelles en son endroit est au-
tant que nulles autres de la Chrestie-
té fertile & abondante de diuerses
commoditez, & ce qui default en l'v-
ne se retrouue en l'autre: tellement
que les manans & habitans d'icelles
n'ont besoin pour leur viure & au-
tres choses requises à l'vsage commū
d'aller chercher ne emprūter l'ayde
& secours du voisin, ne de l'estrāger.
Mais ayāt aussi regard d'autre costé

qu'il est plus que raisonnable, q̄ cha-
cun face son profit de ce qu'il a, soit
de s^{on} reuenu, ou de ses labeurs, nego-
ciatiō & industrie, & qu'en ce faisant
il accōmode luy, son pays & autrui
par le benefice & liberté desdictz cō-
merces & traficqs. Apres auoir eu sur
ce conference & cōmunication avec
les gens de nostre conseil priuē ou e-
stoient aucūns princes de nostre sang
& lignage, & autres grans & notables
personnages. Nous par aduis & de-
liberation de nostredict cōseil pour
les considerations dessusdictes, & au-
tres bōnes, iustes & raisonnables cau-
ses & occasiōs qui à ce nous meuuēt.
Auons de noz certaine science, grace
special, pleine puissance, & auctorité
Royal, par ces presentes donné & o-
ctroié, donnons & octroions pleine
& entiere liberté, congé permissiō &
safconduict seur & libre à tous noz

fugectz, marchans & autres particu-
liers manans & habitans de nosdicts
royaume, & pais de nostre obeissan-
ce, pour par eulx, leurs gēs, faēteurs,
entremetteurs & associez, tirer & en-
leuer d'iceulx noz Royaume & pais
toutes sortes de denrées & marchan-
dises, vins & autres commoditez de
par deça quelles qu'elles soyēt, exce-
ptez sculemēt bleds & autres grains,
legumes, munitiōs & materiaulx ser-
uans à l'artillerie. Pour lesdictes den-
rées & marchandises permises, ainsi
que dessus, mener & conduire, ou fai-
re mener & cōduire, soit par mer ou
par terre ainsi que bon leur semble-
ra, en telz lieux, pais & endroictz
qu'ilz aduiseront & cōgnoistront en
faire mieulx leur prouffit & auātage,
tant en terre d'amys que d'ennemys,
Pour illec les vendre, adenerer, debi-
ter, trocquer & eschanger, avec tou-

tes telles autres denrées & marchandises qu'ils verront & congnoistront estre propres, vtils, commodés & nécessaires à noz sūgectz. Et lesquelles ilz pourront en semblable faire amener & conduire par deça seurement, fauement & librement par mer, eaue douce, ou par terre, ainsi que bon leur semblera. Et à ceste fin prendre, eulx ayder & seruir au beſoing des nauires & vaisseaux de nosdictz ennemis, ensemble de leurs charrettes, chariotz & cheuaulx. Si tant est qu'ilz n'en puissent auoir des Frācois, ou autres de noz amys & allies, à la charge de payer & acquieter tant pour le regard des marchādises qu'ilz tireront de nosdicts royaume & pais que de celles qu'ilz amenerōt & feront venir des pais de noz ennemis & autres estrangiers, les droictz & deuoirs, peaiges, passaiges & tributz

butz anciens ordinaires & acoustu-
mez, sans aucunement y comprēdre
ceulx de la traicte & impositiō forai-
ne, nouuellement par nous mis sus.
Lesquelz pour certaines bonnes cau-
ses, & pour gratifier ceulx dudit
tiers estat, à la supplication & requē-
ste qu'ilz nous en ont faicte nous a-
uōs abolis & abolissons, sans qu'il en
puisse estre aucune chose leué & exi-
gé par noz officiers & ministres sur
ce ordonnez & establiz : Ausquelz
quant à ce, nous imposons silence, &
defendons tresexpressemēt de ne cō-
treuenir à noz defences, soubz peine
d'estre puniz comme infracteurs d'i-
celles, & de recouurer sur eulx en
leurs propres & priuez nōs ce qu'ilz
auront prins, leué & exigé desdicts
nouueaulx droictz & deuoirs d'icel-
le imposition foraine, avec condem-
nation d'amēde arbitraire, selon l'e-

xigence du cas, attendu qu'il est question de la liberté publique, pourueu aussi que pour lesdictes denrées & marchandises qu'ilz feront venir des pais estranges, ainsi que dit est, ils ne tireront aucuns deniers de nostre dict royaume, & ne feront entrer ne sortir aucunes d'icelles d'écées & marchandises, sinon par les lieux & endroitz qui par nous ont esté pour ce ordonnez, nommez & establiz. Et à la charge aussi que quāt à celles des dessusdictes denrées & marchandises qu'ilz admenerōt desdictz pais de nosdicts ennemys par terre & sur cheuaulx, charrettes & chariotz, ilz les feront cōsigner en la premiere de noz villes de frontiere, du costé dōt ils les auront faict venir, avec lieēce, congé & permission du capitaine & gouuerneur de ladicte ville, pour euitter aux surprinses, faisant retourner

les conducteurs d'icelles, sans passer plus auant. Et quād à celles qu'ilz feront conduire & voïcturer par mer, ou eauc doulce, les nauires, vaisseaux ou batteaux sur lesquels icelles marchandises seront chargées, estans des pais de nosdicts ennemys, ou autres estrangiers, ne viendront en quelque sorte que ce soit, armez ne equippez en guerre. Mais seulement cōme simples nauires marchās ont acoustumé de venir, eulx tenans à la radde auant que d'aborder noz portz & haures, iusques à ce qu'ilz ayent esté veuz & visitez par les officiers des lieux en la maniere acoustumée.

SI DONNONS en mandement à tous noz lieutenās generaux, gouuerneurs, mareschaulx, amiraux, visadmiraulx, bailliz, seneschaulx, preuostz, iuges, capitaines, chefs & conducteurs de noz gens de

guerre, tant de cheual que de pied,
capitaines de nauires, galleres & au-
tres vaisseaux de nous & de noz su-
gectz, maires, escheuins, consulz &
gardes de bonnes villes, citez, cha-
steaux, forteresses, bastides, pontz,
portz, peaiges, passaiges, iurisdicțiōs
& destroictz. Et à tous noz autres iu-
sticiers & officiers, prions & reque-
rons noz amys, aliez confederez &
bienueillans, ausquelz ces presentes
seront mōstrées, que de noz presens
grace, cōgé, permission, seur & libre
saufcōduict general, ilz facēt, seuffrēt
& laissent lesdicts marchās & autres
noz sugectz, de quelque qualité & cō-
ditiō qn'ilz soyēt, ensēble leurs gēs,
facteurs, entremetteurs & associez,
ioyr & vser pleinement & paisiblement,
selō & ainsi que diēt est. Cessans & fai-
sans cesser tous troubles, arrestz, de-
stourbiers & empeschemēs au cōtrai

re. Lesquelz si faietz, mis ou donnez
leur estoiet, les mettēt ou facēt mettre
incontinent & sans delay à pleine &
entiere deliurance, nonobstant les
guerres qui ont à present cours entre
nous, le Roy d'Espaigne, & les An-
glois: Pour lesquelles ne voulons e-
stre aucune chose inferée ne impu-
tée au preiudice de nostre present
sauſcōduit general alencōtre de nos
dictz marchans & subiectz: gardant
par eulx sur le tout noz ordonnāces,
& en ce faisant auons imposé & im-
posons silence à nostre Procureur
general, & à tous autres: car tel est no
stre plaisir: nonobstant aussi quelz-
conques ordonnāces, restrinctions,
mandemens ou defences à ce con-
traires. Et pour ce que de ces presen-
tes lon pourra auoir affaire en plu-
sieurs & diuers lieux. Nous voulons
qu'au vidimus d'icelles, faiēt soubz

féel royal foy soit adioustée comme
à ce present original , auquel en tes-
moing de ce nous auons faict mettre
nostre féel.

Dōné à Paris le quatorziesme iour
de Feurier, l'an de grace mil cinq cēs
cinquante sept. Et de nostre regne
l'vnziesme.

Signé HENRY.
Et sur le reply. Par le Roy.
D V T H I E R.

Et féellée en double queue , du
grand féel, de cire iaulne.

Leu & publié à son de trompe, voix
& cry public, par les carrefours de Paris,
lieux & places accoustumées à faire cris
& publications, par moy Paris Chrestien
crieur iuré du Roy nostre sire, es ville, pre-
uosté & viconté de Paris, accompagné de
Claude Malaßiné, Trompette iuré du-
dict Seigneur, & autres trompettes. Le
Samedy dixneufiesme de Mars, M.D.
LVII.

PARIS CHRESTIEN.

